

926.9
Amm.

NC 379

926.9

Amm.

NC 379



303538568+

200 34196

Im Frauentzimmer

Wirt vermeldt von allerley schönen Kleidungen vnd Trachten

der Weiber/hohes vnd niders Stands/wie man fast an allen Orten geschmückt vnd gezieret ist / Als Teutsche / Welsche / Französische / Engelländische / Niderländische / Böhmische / Ungarische / vnd alle anstossende Länder. Durchaus mit neuen Figuren gezieret / dergleichen nie ist aufgangen.

Ichund erst durch den weltberühmbten Jost Amman wonhafft zu Nürnberg gerissen.

Sampt einer kurzen Beschreibung durch den wolgelehrten

Thraßibulum Torrentinum Mutislariensem als leg ehrliebenden Frauen vnd Jungfrauen zu ehren in Helmen verfaßt.

M. D.




LXXXVI.

**Getruckt zu Franckfurt am Mayn in Verlegung
Sigmund Jeyrabends.**



111

Dem Ehrengedachten/
vnd fürnemen Herrn Johan Pychan/ vnd
der tugentsamen Frauwen Catharine Lochmenin
seiner Ehlichen vnd lieben Haußfrauen/mei-
nen insonders günstigen Herrn
vnd Frauwen.



Das Ehren/ Würden vnnnd Reputation
weibliche Zucht/ Ehr/ Keuscheit vnd Tugend bey
den alten gewesen/ vnnnd gehalten worden/ darff
niemand viel nachfragens/ dieweil dasselbige al-
lenenthalben in Göttlichen vnnnd Weltlichen Historijs
hauffenweiß beschrieben vnd zu finden ist.

* Vnd

Vorrede.

Vnd zum ersten/ so werden fromme/ Gottsförchtige keusche Weiber nicht allein von Menschen geliebet vnd geehret/ sonder auch gleich anfangs der Erschaffung der Welt von Gott selbst gerühmet/ da er sagt im ersten Buch Mosi am andern Capitel: Es ist nicht gut/ daß der Mensch allein sey/ ich wil ihm ein Gehülffen machen/ die vmb ihn seye/ 1c. Darauß dann ein jeder verständiger leichtlich abzunehmen/ daß Gott allein das Weib dem Mann/ als die auß seiner Rippen erbauwet/ zu Trost/ Freud vnd Auffenthalt seines Lebens geschaffen ist. Wie denn auch Iesus Syrach in seinem Buch der Weißheit/ vnd fürnemlich im sechs vnd zwänzigsten Capitel das Lob frommer vnnd Gottsförchtiger Weiber höchlich rühmet/ vnnd ganz weitläuffiger weise außbreitet vnd beschreibet/ in dem er sie des Manns Leben vnd Freude/ ein edele Gabe Gottes/ auch ein Tierde vnnd güldene Sewle des Hauses nennen thut.

Item der Königliche prophet David rühmet ein frommes Weib gar hoch in seinem hundert vnd acht vnd zwänzigsten psalmen/ da er spricht/ Das Weib wirdt im Hause seyn/ wie ein fruchtbarer Weinstock voller guter Trauben/ vnnd die Kinder vmb den Tische/ wie frische Welzweige/ 1c.

Damit wir aber auch kürzlich etlicher frommer Gottsförchtiger Weiber gedencken/ so haben wir kein geringes Exempel der Demut an der gehorsamen Sara im ersten Buch Mosi am achtzehenden Capitel/ da sie ihren Mann Herr hieß/ vnd sprach/ Nun ich aber alt bin/ soll ich noch Wollust pflegen/ vnd mein Herr auch alt ist/ 1c.

Was für grosses Lob auch die Gottsförchtige Judith hinder sich verlassen/ das finden wir erslich in ihrem Buch am 7. Capitel/ in dem sie die Eltesten/ der Statt Bethulia straffet/ daß sie Gott ein gewissen Tag der Hülffe setzten vnd bestimbten/ vnd also

Vorrede.

also gleich Gottes Meister seyn wolten / ermahnet sie auch zum Gebet/ vnd eröffnet inen letztlich ihren Anschlag/ was sie zu thun in Willens / Wie sie dann dasselbig im dreyzehenden Capitel gemeldtes Buchs an dem Trunckenbolz vnd Vollzapffen Holoferne mit Beystand Göttlicher Hülff vnd Genaden vollbracht vnd ihm/ als er ihm Betth gelegen vnd geschlaffen/ sein Haupt mit einem Schwert abgehauwen/ vnnnd also die betrangte Statt Bethulien/ so allbereyt an aller Hülff verzagt / von ihrem mächtigen Feind dem gewulichen Miterich erlöset hat.

Welcher massen auch die Gottsförchtige Abigail jr ganzes Haus für dem Grimme Davids (welcher durch ihren Mann/ den Gottlosen Nabal erzürnet war) erhalten habe/ das finden wir im ersten Buch Samuelis am fünff vnd zwanzigsten Capitel.

So lesen wir auch in der Bibel was die fromme Gottsförchtige Esther durch ihre Frombkeit / Tucht / Ehr / Keuscheit vnnnd Gehorsam gegen ihrem König Artaxerxe erlanget / vnd also jr ganzes Geschlecht der Juden / so allbereit durch den Gottlosen Haman auff die Fleischbanck gelieffert war/ von dem Schwert vnd Todes noth erlöset habe.

Wie auch nicht weniger die fromme/ keusche vnd Gottsförchtige Susanna des Joiakims Weib nimmermehr genugsam zu loben/ welche viel lieber einen gewulichen schmehtlichen Tod leyden/ vnd versteiniget hat werden wöllen / als ihr Ehbetth beslecken vnnnd verunreynigen/ Endlichen aber doch auß wunderbarlicher Schickung des Allmächtigen Gottes durch den Daniel vom bitteren Tod erlöset / Vnnnd hergegen die zween alte falsche Verächter / an ihre statt von der Gemeine mit Steinen zu Tod geworffen worden.

Vnnnd ist sich zu letzt auch noch höchlichen vber die keusche Lucretiam zu verwundern / welche wol billich ein Spiegel der Keuscheit zu nennen ist. Dann wie der berühmte Historien Schreiber Titus Livius in seinem ersten Buch der Römischen Historien schreibet / so ist auff eine zeit ihr Mann Collatinus bey etlichen Herren

Vorrede.

Herren außershalb der Statt Romm gessen/ vnnd in dem sie vnter anderem Gespräch auch von Weiblichen Tugenten vnnd Keuscheit angefangen zu reden/ vnnd ein jeder seine Fraw gelobet/ so hat doch Collatinus seine Lucretiam den anderen allen an Keuscheit vnnd Tugendt fürgezogen/ wie sich denn solches zu letzt auch in der That also befunden. Dardurch der Sextus Tarquinius der massen gegen sie in vnordentlicher Liebe entzündet worden/ daß er sie wider ihren Willen/ vnnd also mit Gewalt zu seinem Willen gezwungen hat/ Nach welchem sie ihren Mann Collatinum, deß gleichen ihren Vatter/ wie auch die Freundschaft zu sich gefordert/ ihnen die Schand vnnd gewaltige Vnzucht/ so Sextus Tarquinius an ihr gerbet vnnd vollbracht/ mit weinenden Augen vnnd schweren Seuffzen entdeckt/ vnd geklaget/ Vnnd damit sie ja menniglichen ihre Keuscheit offenbar machen möchte/ sich endlich mit einem Messer/ welches sie heimlich vnter irem Kleid verborgen getragen/ selbst erstochen. Vnnd sind solcher Exempel allenthalben noch viel zu finden/ welche allhier alle zu beschreiben/ viel zu lang were.

Demnach aber Gottsförchtige vnd fromme Matronen beneben einem erbaren züchtigen Wandel/ sich fürnemlich seiner erbarer Kleidung (doch eine jede ihrem Stand gemess) gebrauchen/ Auch ohne das ein erbar Kleid ein erbar auffrichtig Gemüth anzeiget/ Vnnd ich mit Gelegenheit gegenwertiges Büchlein von allerley Nation hohes vnd nidere Stands Weiblicher Trachten vnd Kleidung im Truck außgehen zu lassen willens gewesen/ vnnd wem (der diser Ehren werth sey) ich dasselbe zu ehren heimschreiben vnnd dediciren möchte/ in bedacht benommen/ darneben auch günstiger Herr/ euwere vielfältige mir erwisene Gutthat vnnd mit mir erhaltene Freundschaft zu Gemüth geführt/ hierumb hab ich dieses Büchlein euch vnnd euwer geliebten Haußfrawen (an dero Zucht/ Erbarkeit vnd Tugend ich nie kein tadel gespüret) meinen insondern günstigen Herrn vnnd Frawen sampt vnd sonders (als die ich der Ehren wol würdig achte) dediciren vnd heimschreiben

Vorrede.

heimſchreiben/ vnd hiermit zu Wündſchung aller glückſeligen Wol-
fahrt verehren wollen/ Freundlich bittende ſolche Dedication in
maſſen dieſelbe auß freundlicher Wolmeynung von mir angeſehen/
vermercken/ vnd ihnen günſtig gefallen zu laſſen. Vnnd bin der
gänzlichen Zuverſicht/ ihr werdet hierauß mein danckbares vnnd
wol geneigtes Gemüth etlicher maſſen ſpüren vnnd euch vmb ſo
viel mehr in günſten gefallen laſſen. Welches ſo ich ſpüren werde/
daß es euch zu Ehren/ Ruhm vnnd freundlichem Wolgefallen
gereicht/ wirdt es mir künfftig deren in ſtattlichen Wercken nit
weniger rühmliche meldung zu thun verſach vnd anlaß geben/
Dem Allmächtigen Gott euch beyde/ ſammit euwern geliebten Kin-
dern vnd ganzem Haußgeſinde/ wie auch vns alle/ in ſeinen gnä-
digen Schutz vnd Schirm zu zeitlicher vnd ewiger Wolfahrt be-
fehlende. Datum Franckfort am Mayn am Grünen Donnerſtag/
im Jahr als man zehlet von der ſeligmachenden Geburt vnſers
angeliebten Herrn vnnd Erlösers Jeſu Chriſti/ Sünffzehen hun-
dert/ achtzig vnd ſechs.

E. E.

Freundwilliger

Sigmund Seyrabend
Buchhändler.

ANNO M. D. CCC. LXXX.

Allen denen / so der Kunst vnd Malerey zuge-
than / vnd deren Liebhabern / sowie vnseren lieben
Frawen zu sonderm Gefallen / fürnehmlich aber zu
Ehren des weylandt fürtrefflichen

Jost Amman von Nürnberg /
geboren zu Zürich 1539 / gestorben zu Nürnberg im März 1591
von neuem mit Keyserlich teutschen Freyheiten an Tag geben.
In Verlegung Georg Hirth's zu Leipzig vnd München.
Gedruckt von Anort vnd Hirth zu München.

Dasselbe Büchlein ist auch mit artigen lateinischen Verslein zu
haben unter dem Titel:

GYNAECEUM SIVE
THEATRUM MULIERUM.



Die Keyserin.

Gleich wie die Sonn am Himmel leucht/
Wann morgens der Tag herfür kreucht/
Vnd gibt viel einen größern Schein/
Dann andere Stern in gemein/



Also ist im Römischen Reich
Keine Frau der Keyserin gleich/
Sie haben allesamt von ihr
Den Namen/ Lob/ Preiß/ Ehr vnd Bier.

Ein Königin.

Die du vor augen siehest stohn/
Bedeut ein Königlich person/
Aus Königlichem Stamm erwehlt/
Vnd einem König auch vermehlt.



An ihrem Leib trägt sie ein Kleid
Mit Gold vnd Edelgstein bereit/
Ein gülden Kron auff ihrem Haupt/
Das ist den Königin erlaubt.

Königin in Frankreich.

Das Bild sthet nicht fast ungleich
Einer Königin in Frankreich/
Sie hat ein königliche Kron
Auff ihrem zarten Haupte stohn.



Ist sonst außs aller best geziert/
Ihr Kleid gar künstlich vberführt
Mit Gold/ Perlen/ Edelgestein/
Es könnte nicht wol schöner seyn.

Ein Königin in Hispanien.

Wann mich nicht gar betreugt mein Sinn/
So geht also die Königin
In Hispanien wol geziert/
Wann sie ein wenig außspaziert/



Mit dieser Hispanischen Tracht/
Treibt sie ein sonderlichen pracht/
Doch kan es nicht seyn gar vnrecht
Vnterm Königlichem Geschlecht.

Ein Fürstin in Hispanien.

Also ist ein Fürstlich person/
In Hispanien angethan/
Mit schönem köstlichem Gewand/
Als man das immer hat im Land.



Mit Sammet/ perlen/ Seiden rein/
Gold/ Silber vnd Edelgestein/
Mit grossem Kosten vnd Arbeyt/
Alles zum fleissigsten bereyt.

Vin Teutsche Fürstin.

Wie stehet ein Fürstliches Weib
Mit stolzem vnd geradem Leib/
Erzogen in ihrer Jugend
Zu aller Fürstlichen Tugend/



Gezieret nach der Teutschen Art/
Von Sitten holdselig vnd zart/
Weiß sich zuschicken mit Gelimpff/
Es sey zu Ernst oder zu Schimpff.

Vn Teutsche Fürstin.

Also gehn in dem Teutschenlande
Etliche Fürstin im Gewande/
Ohn allen sonderlichen pracht/
Vnd haben mitler weil gut acht/



In der Hoffhaltung auff den Herdt/
Wie ihrer Herrn gepflegert werdt/
Vnd sonsten vnbescheret bleib
Der arme Mann an Gut vnd Leib.

Vin Teutsche Gräffin.

Die Teutsche Gräffin zieren sich/
Mit der Kleidung gar sauberlich.
Dann sie sind nur vmb einen Grad/
Geringer als der Fürstlich Stad.



Sie werden auch mit grossem fleiß
Erzogen nach Fürstlicher weiß/
Zu aller Tucht vnd Erbarkeit/
Vnd zu Adlicher Höfflichkeit.

Ein Jungfraw auß der Sagger Geschlecht.

Wann sich ein Jungfraw schmücket recht/
Nach Brauch auß der Sagger Geschlecht/
Zieret sie sich mit ganzem fleiß/
Gar nach auff für gemalte weiß.



Das Haupt mit einem Krönelein/
Das Haar muß außgeflochten seyn/
Das Kleid von köstlichem Gewand/
Ein Sähnlein treget sie in der Hand.

Ein Edelfracw in Hessen.

Ich hette gar nah vergessen
Der Edlen Frauwen in Hessen.
Sie bleiben noch wol vnveracht
Mit ihrem adelichem Tracht.



Sie sind vberauß geflossen/
Wann sie vielleicht etwas wissen/
Mit hauß halten zu ersparen/
Sie thun ihr Ehr auch verwahren.

Ein Pfälzische Edelfrau.

Die Churfürstliche pfalz am Rhein
hat viel vnd schöne Jungfräwlein/
Vom Adel vnd Rittern geborn/
An Tucht vnd Tugend außerkorn.



Vom Leib gerad/ frisch vnd gesund/
Freundlich mit Worten alle Stund.
Der Religion zugethan/
Wiewol man sie viel hindert dran.

Eins Burgers Weib zu Heidelberg.

3V Heidelberg eins Burgers Weib
Gefleidet ist an ihrem Leib
Sein sauber vnd doch erbarlich/
Wie das in der Statt ist bräuchlich/



Redsprechig/ frölich vnd bereyt
Zu dienen in Freuden vnd Leyd.
Gott geb ihn allen Glück vnd Heyl/
Vnd das ewig Leben zu theyl.

Ein Speierische Frau.

30 Speir an dem Cammergericht/
Werden viel krummer Sach geschlicht/
Es weist auß der Augenschein/
Daß hübsche Weiber daselbst seyn.



Ich sage das ohn argelist/
Wer jemals da gewesen ist/
Der muß mir das Zeugnuß geben/
Daß sie auch nach Ehren streben.

Ein Sächſiſche Edelſraw.

Es iſt allenthalben bekandt/
Was ſtarcke Leut gibt Sachſenland/
Die Frauwen ſind da wol formiert/
Mit ſtarcken Gliedern ſtaffiert/



Sie haben auch ein Mannes Hertz/
Es gelte gleich Ernſt oder Schertz/
Sie haben ihr gebürlichs Lob/
Wiewol die Sprach iſt etwas grob.

Ein Sächsisch edle Jungfraw.

Die Sächßisch Edele Jungfraw/
Mit sonderlichem fleiß beschaw/
Ob es nicht sey die recht proportz/
Ist weder zu lang noch zu kurz.



Nicht gar zu dick/ auch nicht zu rhan/
Mit Kleidern Sächßisch angethan/
Ein Juncfern zu Betth vnd zu Tisch/
Zu dienen ist sie wunder frisch.

Ein Reichsnische edle Matron.

Ze siehestu für augen stohn/
Ein edle Reichsnische Matron/
In ihrem gewöhnlichem Tracht/
Wie in dem Land ist her gebracht/



Ist zart vnd schön von Angesicht/
Mit Geberden wol abgericht/
Weiß Reden zu beegnen bald/
Wies erfordert der Sach gestalt.

Ein Meichsnische Edelshaw in der Klag.

Also verhüllet ihren Leib
Ein adeliches Meichsnisch Weib/
Vom Haupt biß auff die Süß hinab/
Wenn sie beleitet zu dem Grab



Ihren Mann/ oder sonst jemand/
Der ihr mit Freundschaft ist verwandt/
Biß die Trawrzeit erreicht ihr end/
Vnd Gott ihr Klag in Freud verwende.

Ein Meisnische edel Jungfraw.

Wie stehet ein Jungfräwlein zart/
Vom Adel auff der Buler Warth/
Das Kränzlein setzt sie auff ein seit/
Nach deß Lands Meichsen Gewonheit.



Hat gleichwol nicht vbrig Reichthumb/
Ist doch holdselig/ hübsch vnd frumb/
Eins reichen Juncfers sie begert/
Vielleicht sie Gott dessen gewerth.

Ein Leipzigerische Matron.

Das ist ein Leipzigerische Matron/
Mit ihrem Habit angethan/
Ist nun bey vierzig Jahren alt/
Wiewol noch zimlich wol gestalt.



Der Haushaltung/ Religion/
Vnd Kinderzucht nempt sie sich an/
Vnd hoffet von Gott mit Gedult
Verzeihung aller ihrer Schuld.

Ein Leipzische Jungfraw.

In Leipzig hat es Jungfrawen/
Die lassen sich warlich schauwen/
Von Angesicht gar wol gestalt/
Ihr Zucht mir für andern gefalt.



Ihr Red ist vberaus lieblich/
Ihr Geberden ganz sauberlich/
Darzu sind sie gezieret auch
Zum besten nach Weichsnischem Brauch.

Ein Jungfraw auß Thüringen.

Thüringen ist ein herrlich Landt/
In Historien wol bekandt/
Darinn lassen sich auch schauwen/
Viel tugentreiche Jungfrawen/



Erzogen wol in der Jugend
Zu aller Frombkeit vnd Tugent/
Mit Aleidern auch schön angethan/
Nach deß Lands Brauch/ steht in wol an.

Ein Schlesiſche Braut.

Beschau dieſe ſeltzame Tracht/
So in Schleſien hergebracht/
Wann ein Jungfraw vermehlet iſt/
Und ſie ſich nun zum Kirchgang rüſt/



Dann wirdt ſie alſo angethan/
Wie du das Bild ſichſt für dir ſahn.
Sonſt hab ich nie kein Braut geſehn/
In ſolchem Schmuck zu Kirchen gehn.

Ein Frau auß Schlesien.

In Schlessen sind weibs person/
Mit Kleidern gar fein angethan/
Eins Burgers weib schmückt sich also/
Wie diß Bild steht für Augen do.



Ihr Hauben vnd Mantel ist rauch/
Mit pelz gefüttert nach Landsbrauch/
Da ist kein sonderlicher pracht/
Vnd ist gleichwol ein sauber Tracht.

Ein Frau in Oestereich.

In Frau in Oestreich kleidet sich
Sein erbar vnd gar sauberlich/
Kein Oberfluß wirdt da gespürt/
Mit Tugent ist sie wol geziert.



Sie ist ihrem Mann gehorsam gern/
Erkennet ihn für ihren Herrn/
Befleißet sich seinen Willen
Mögliches Fleiß zu erfüllen.

Ein Schwäbische Jungfraw.

Nit sonderlichem fleiß beschaw
Die schöne Schwäbische Jungfraw/
Das Angesicht ist rund vnd klar/
Am Rücken ab hengt ihr geel Haar/



Die Kleider stehen ihr wol an/
Ihr Zucht gefellet jedermann/
Sie macht bißweilen breite Wort/
Doch geht ihr die Red dapffer fort.

Ein Schwäbin von Hall.

Das ist zu Hall im Schwabenland
Der Weiber Zierd im gemeinen Standt/
Ein sauber schlecht vnd erbar Tracht/
Ohn allen Vberfluß vnd pracht/



Darinn gefällt sie ihrem Mann
Besser/ als wer sie angethan
Mit einem ganzen gülden Stuck/
Die Tugend ist ihr bester Schmuck.

Ein Augspurger Jungfraw.

Die Augspurgischen Jungfrawen/
Lassen sich warlich beschawen/
Sind holdselig von Angesicht/
Vnd mit Geberden abgericht/



Mit Kleidung also angethan/
Daß sie gefallen jederman.
Im Hauß/ auff der Gassen/ beim Tanz
Haben sie acht auff ihre Schantz.

Ein Geschlechterin zu Augspurg.

30 Augspurg man gezieret finde
Die Weiber so Geschlechter sind/
Aller Gestalt an ihrem Leib/
Wie hie gemahlet steht das Weib.



Ihr Tugent ist nun lange Zeit
Berhümbrt gewesen nah vnd weit.
An Gelt vnd Gut sind sie gar reich/
Mit Demut doch den Armen gleich.

Eins gemeinen Burgers Frau zu Augspurg.

30 Augspurg mag man beschawen
Eins gemeinen Burgers Frauwen/
Gekleidet/ wie das Bild hie steht/
Wann sie auß ihrem Hause geht.



Kein ander Tracht sie brauchen soll/
Wil sie ihrem Mann gefallen wol/
Ihr Freundlichkeit vnd Erbarkeit
Ist sonst berühmet weit vnd breit.

Ein andechtige Frau zu Augspurg.

Ein Weib also gezieret ist/
Zu Augspurg eben zu der frist/
Wann sie wil zu der Kirchen gehn/
Wie du die Figur siehest stehn/



Ein Büchlein treget sie in der Hand/
Ein pater noster ohn Verstand.
Der priester kan sie lehren wol/
Wie man alles verstehen soll.

Ein Augspurger Magd.

Die Augspurger Mägd sind nicht reich/
Doch sehen sie den Leuthen gleich.
Vnd treten gar wacker daher/
Als wann die Gaß ihr eigen wer/



Mit weissen Stiffeln angethan/
Wol auffgeschürzt lauffens darvon/
Sie dienen treulich ihren Herrn/
Man hat sie allenthalben gern.

Ein Straßburger Fraw.

30 Straßburg in der werden Statt
Man gar ein erbar Kleidung hat/
Ein junges Weib gehet daher/
Schier als wann sie ein Engel wer.



Gar züchtig sind all ihr Geberd/
Die Augen schlecht sie auff die Erd/
Ihr ganzer Wandel still durchhauß/
Vnd bleibet gern in ihrem Hauß.

Ein Fraw von Basel.

30 Basel haben die Wyber
Gesunde vnd starcke Lyber/
Sind auch von Natur hübsch vnd schon/
Mit Kleidern zimlich angethon/



Ohn allen vnnötigen pracht/
Sonder halten ein erbar Tracht/
Sind freundlich/ frölich vnd Mannlich/
Vnd lassen Gott sorgen für sich.

Ein Jungfrau von Zürich.

30 Zürich in dem Schweizerland/
Das weit vnd breit ist wol bekandt/
Sind auch wol proportionirt/
Die Jungfrauen/ vnd schön geziert.



Da leuchtet Tugend vnd Frombkeit/
Ehr/ Zucht vnd all Bescheidenheit/
Wil jetzt nicht sagen von dem Kleid/
Das ist auch gut vnd wol bereit.

Ein Geschlechterin zu Franckfort am Mayn.

30 Franckfort in der Handelsstatt/
Man viel alter Geschlechter hat/
Begabet mit Gottseligkeit/
Gut/ Gelt/ Ehr/ Tugend vnd Weißheit.



Ihr Weiber alle Tugendreich
Sind gezieret dem Adel gleich/
Doch weiß jede nach ihrem Stand/
Zu tragen gebürlich Gewand.

Vns Juncfers Tochter zu Franckfurt.

30 Franckfurt an dem krummen Meyn/
Juncfers Tochter gekleidet seyn/
Wie dir anzeigt dises Bild/
Wann ihnen nun die Brust geschwilt/



Vnd sich an ihnen offenbar/
Erzeigen die Mannbare Jar/
Vnd haben nun gelehret wol/
Wie man rätlich haußhalten soll.

Ein Braut zu Frantzfurt von den Geschlechterin.

Ein Braut zu Frantzfurt an dem Meyn/
Wann sie nicht mehr gern schläfft allein/
Sondern begibet sich zu hand
In den hochgelobten Ehstand/



Mit einem Juncker vberreich/
Der ihrem Stand ist durchauß gleich/
Thut sie an ein Zusecken lang/
In ihrem Christlichen Rirchgang.

Eines gemeinen Burgers Weib zu Franckfurt.

30 Franckfurt eines Burgers Weib/
Gar ehelich schmücket ihren Leib/
Zu wolgefallen ihrem Mann/
Dem sie freundlich begegnen kan/



Der Rock mit Leisten fein belegt/
Ein schwarzen Mantel sie auch tregt
Über den Kopff/ wann sie jetzt gleich
Zur Kirchen geht oder zur Leich.

Ein Burgers Weib zu Franckfurt.

Es haben auch ein ander Tracht/
Vor vielen Jaren auffgebracht/
Erbare Franckfurter Weiber/
Für ihre züchtige Leiber/



Wann sie zu hochzeitlichem Fest
Auch beruffen werden/ als Gäst
Sind mit Bruststöcken angethan/
Vnd legen schwarze Gölter an.

Ein Braut zu Franckfurt.

Wann sich eins Burgers Tochter hat/
Zu Franckfurt ehlichen bestatt/
Vnd jezund ihren Kirchgang halt/
Tregt sie ein Burser Rock mit Salt/



Ein Berlen bändlein vmb die Stirn/
Die Haar umbwunden mit Goldzwirn/
Darüber ein hoher Braut franz/
Das Koller ist von Sammet ganz.

Ein Franckfurter Magd.

Die Mägd tragen nach altem Brauch
Auff ihrem Haupt belzhauben rauch/
Wann sie auff den Marckt thun lauffen/
Nach der Notturfft einzukauffen/



Damit man habe zu essen.
Deß Marcktkorbs sie nicht vergessen.
Es ist heur nicht aller dings new/
Wann gleich mit vnterlaufft Vntrew.

Ein Franckfurter Magd / so in die Kirchen gehet.

WAnn sich ein Franckfurtische Magd
Bisßweilen in die Kirchen wagt/
Vor eiteler grosser Andacht/
Die ihr ist kommen in der Nacht/



Legt sie ihr newwe Kleider an/
Vnd rüſtet sich bald auff die Bahn/
Nimpt Stul vnd Mantel an den Arm/
Vnd bitt/ daß sich Gott ihr erbarm.

Ein Fränkische Fraw vom Adel.

Das ist die Tracht im Franckenland/
Den Edlen Frawen wol bekandt/
Gar artlich in nähren versetzt/
In mancherley Farben genezt/



Al ihr Geberden/ Gang vnd Red/
Ihr erbar vnd dapffer ansteht/
Sie weiß ihm Juncker zu hausen/
Daß er nicht darff im Strauch mausen.

Ein Fränckische Edele Jungfraw.

Ein Fränckisch Edel Jungfräwlein/
Weiß sich zu schmücken hübsch vnd fein/
Nach deß Franckenlands Gewonheit/
Mit Leisten beydes schmal vnd breit/



Umb die Sorcketen umbher rund/
Mit mancherley Farben gar bund/
Das war ihr brauch von altem her/
Jezund mags zugehn ohngefehr.

Ein Fränkisches gemeines Bürgers Weib.

Ein Fränkisches Bürgers Weib
Die sparet gar nicht ihren Leib/
Ist fleißig willig vnd bereit
Zu aller häußlichen Arbeit/



Sie zieht ihre Stiefel an/
Vnd rüftet sich gleich wie ein Mann/
Mit Rügen/ Karst auff ihrem Rück/
Bauwet den Weinberg auff gut Glück.

Ein Fränkisch Frauw von Würzburg.

DV fauler Mensch lieber beschaw/
Diese Würzburgische Haußfrau/
Ob sie wol ist ganz hübsch vnd zart/
So ist doch das der Francken Art.



Der arbeit sie sich nicht schämen/
Ein Rodz auff den Rücken nemen/
Damit sie dem Marckt zu lauffen/
Wann sie was haben zu kauffen.

Ein Geschlechterin von Nürnberg.

Es pflegen die Geschlechterin/
Wo fern ich anders recht dran bin/
An gewöhnlichen Festtagen
Solch gattung Kleider zu tragen/



Zu Nürnberg in der werden Statt/
Das wolgezogen Weiber hat/
Gar Adelig vnd tugentsam/
Daher ist weit bekennet ihr nam.

Ein Geschlechterin von Nürnberg.

Wann zu Nürnberg durch die Statt hin
Gehen wil ein Geschlechterin/
So pfleget sie nach Gewonheit/
Anzulegen ein solches Kleid/



Ein lang vnd köstlichen Talar/
Darüber hengt sie ab ihr Haar/
Auff dem Haupt ein klein paretlein/
Also ist sie gezieret fein.

Ein Braut von den Geschlechtern zu Nürnberg.

In der vralten Statt Nürnberg
Sihet man noch ein fein alt werck/
Wann ein Jungfraw zur Eh bestatt/
Vnd nun auch ihren Kirchgang hat/



So wird sie auff ein alt Manier/
Tedoeh mit gar köstlicher Zier
Geschmücket vnd wol angethan/
Wie diese Figur zeigt an.

Ein Jungfraw vom Geschlecht zu Nürnberg.

An disem Bild magst beschawen/
Wie sich Nürnberger Jungfrawen/
So von Geschlechtern sind geborn/
pflegen zu schmücken lang zuvorn/



Wann sie deß morgens frů auffstehn/
Vnd eh sie zu der Hochzeit gehn.
Es ist fürwar ein feine Tracht/
Ohn zweiffel von langem herbracht.

Eins gemeinen Burgers Tochter zu Nürnberg.

Man findet auch wol Bürgers Kind/
Die mächtig wol gezogen sind/
Nach ihrem Stand auch hübsch gekleidt/
In aller Zucht vnd Erbarkeit/



Schöner Gestalt von Angesicht/
Vnd zu der Arbeit abgericht.
In summa/ Nürnberg ist ein Statt/
Die Gott gar viel zu dancken hat.

Ein Nürnberger Magd.

30 Nürnberg man auch gar oft pflegt/
Achtung zu geben auff die Mägd/
Dieweil sie sind guter gestalt/
Vnd richten auß hurtig vnd bald/



Was ihn befohlen wird zu Hauß/
Vnd was sie zu schaffen darauß/
Es seye gleich kalt oder warm/
Streichfen sie hinter sich die Arm.

Ein Saw von Cöllen.

In Cöllen ist der Weiber Art/
Ob sie wol sind von Natur zart/
Haben sie doch ein grossen Muth/
Vnd nemmen ihr Keuschheit in Hut./



Sie tragen wie bräuchlich im Land
Kleider von köstlichem Gewand/
Decken das Haupt ohn vnterlaß/
Wann sie gehen vber die Straß.

Ein Braut zu Cöllen.

Es sind zu Cöllen an dem Rhein/
Die Jungfrauen gar hübsch vnd fein/
Gezieret mit Frombkeit vnd Tucht/
Mehr dann man hinter ihnen sucht/



Wann nun ein Jungfraw zur Braut wirt/
Man sie auff dise weise ziert/
Das halten sie mit grossen fleiß/
Bey vns wer es ein newwe weiß.

Ein Magd von Cöllen.

30 Cöllen ist die Gewonheit/
Daß ledige Töchter allzeit
Ihr Haar sauber eingeflochten
Auff dem Haupt zusammen pfochten/



Vnd barhauptig einher gehen/
Doch ist solches zu verstehen/
Von den Mägden in sonderheit/
An zu zeigen ihre Keuscheit.

Ein Frauw von Ach.

Zu Ach die Keyserliche Aron
Empfeht der ist erwehlet schon/
Zum Keyser/ daselbst findt man auch
Gezieret/ nach deß Landes Brauch/



Die Frauen auff diese Manier/
Wie hie ist fürgebildet dir/
Zu dem sie auch sind Tugendreich/
Wiewol sie nicht sind alle gleich.

Ein Jungfraw auß Slandern.

Also pfl eget sich in Slandern
Eine Jungfraw zu zieren gern
Von Angesicht gar wol gestalt/
Ihr Tugent jederman gefalt/



In Worten ist sie holdselig/
In Geberden gar Adelig/
Als were sie ein Venus Kind/
Mit Arbeit hortig vnd geschwind.

Ein Weib auß Slandern.

Es macht an jedem ort das Kleid
Zwischen den Menschen vnterscheid/
Ein Slandrisch Weib ist angethan/
Wie diese Sigur zeigt an.



Vnd ob sie wol mit Kleidung schlecht/
Doch handelt sie redlich vnd recht/
Vnd gefellet ihrem Mann wol/
Nicht mehr ein Weib begeren sol.

Ein Holländerin.

Also kleidet eins Kauffmans Weib
In Holland ihren schönen Leib/
Wann sie gehet auß ihrem Hauß/
Ihre Geschäfte zu richten auß/



Sie schlegt die Augen vnter sich/
Ihr Angesicht ist doch frölich/
Vnd ist gar hortig vnd bereyt
Zu geben jederman Bescheid.

Ein Brabändische Niderländerin.

Also kleiden sich in Brabant
Die Weiber mit gutem Gewand/
Wann sie gehen für erbar Leut/
Wie ich selber gesehen heut/



Doch kan man ihr schöne Gestalt
Mit Händen nicht abmahlen bald/
Sie sind auch willig vnd bereyt
Zu aller Weiblichen Arbeyt.

Ein Niderländerin vom Adel.

Ein Fraw im Niderland geborn/
Von Adelichem Blut erkorn/
pfleget sich zu zieren also/
Wie dir ist fürgemahlet do/



Nicht vngleich den Armeniern
Den sie hierinnen folgen gern/
Sonst ist ihr Lob/ Tucht/ Erbarkeit/
Vnd Ehr berühmet weit vnd breit.

Ein Niderländische Magd.

Es tragen auch im Niderland
Die Mägd Kleider nach ihrem Stand/
Wies ein jede erzeugen kan/
Als dise Figur zeigt an/



Sie sind auch ihrer Mutter Kind/
Ob sie gleich etwas schmutzig sind/
Von Arbeyt vnd der Rüchen rauch/
So sind sie doch zu loben auch.

Ein Saw von Lübeck.

Lübeck die rechte Handelstatt
Dapffere frische Weiber hat/
Gleichwol ohn allen pracht geziert/
Jedoch wol proporcioniert/



Dey ihnen ist kein Zeucheley/
Sie sagen wies geschaffen sey/
Auff Zucht vnd alle Erbarkeit
Ist auch gerichtet ihr ganz Kleid.

Ein Edelfräw auß Schweden.

In dem Schwedischen Königreich
Ist die Kleidung nicht durchaus gleich.
Ein Fräw vom Adel schmücket sich/
Wie diese Figur lehret dich.



Da sieht man mit vberdruß
In Kleidung keinen vberfluß
Es sind die Weiber in gemein/
Ganz erbar/ züchtig/ keusch vnd rein.

Ein Böhemin von Prag.

Diese Figur fleißig anschaw/
Also bekleidet sich ein Frau/
Zu prag weit in dem Böhmer Land/
Welche schon einen Mann erkandt/



Ob sie wol auch sind schön vnd zart/
Vnd von einer geschlachten Art/
Haben sie doch in ihrer Tracht
Gar keinen sonderlichen pracht.

Ein alte Böhmishe Frau.

Wann nun ein Böhmisch Weib wird alt/
Vnd verleuret ihr schön Gestalt/
Verändert sie die vorig Tier/
Gar auff ein andere Manier/



Vnd kleidet sich nach ihrem Stand/
Wie bräuchlich ist im selben Land/
Vnd ist fast also angethan/
Wie dise Figur zeigt an.

Ein Edelfräw in Hungern.

Ein Edelfräw jung/ reich vnd zart
Ist bekleidet auff dise art/
Wie diese Figur außweiset/
Ihr Tugend sie gar wol preiset.



Wann sie sich anders kleiden wolt/
Das Landvolck sie verspotten solt/
Als die der Hungern erbar Tracht
Ohn alle rsachen veracht.

Ein Braut zu Danzig.

Es ligt ein Statt in preussenland
Gar weit berühmte Danzig genannt/
Wann da ein Jungfraw wol gestalt
Ihren Christlichen Kirchgang halt/



Wird sie auff diese weiß geziert/
Wann man sie zu der Kirchen führt/
Ich hab mein Lebtag nie gesehn
Ein schöner Braut zu Kirchen gehn.

Ein Magd zu Danzig.

Das ist der Magd zu Danzig Tracht/
Von vielen Taren her gebracht/
Wann sie Wasser tragen zu Haus/
Wie diese Figur weiset auß.



Wiewol ihr Kleidung ist gering/
So ist es doch ein wunder ding/
Daß man ihr nicht entrathen kan/
Vnd findet jede ihren Mann.

Ein Straw auß Liffland.

Also kleidet sich in Liffland/
Ein Ehweib in gemeinem Stand/
Wann sie vielleicht in ihrer Statt/
Bey Leuten was zu schaffen hat/



Bey uns wird eine gar verlacht /
Wenn man sie seh in solcher Tracht/
Doch ist es in Liffland ein ehr/
Wann ein Straw also geht daher.

Ein fürneme Lieffländische Fraw.

WAnn in Liffland ein fürnemm Weib
Zu ehren schmücket ihren Leib/
So leget sie sich also an/
Wie dise Fraw ist angethan/



Sie hat ein Deck auff ihrem Kopff/
Gleich wie ein außgespizter Topff/
Ein Mäntelein gefütteret rauch/
Also ist es im Land der Brauch.

Ein Liffländische Edelfraw.

In Liffland weit ist diese Tracht
Bey Edelfrauwen hoch geacht/
Darbey kan man bald erkennen/
Daß sie sich vom Adel nennen/



Vnd haben in dem Hinterhalt
Vor andern Weibern mehr Gewalt/
Ein frembder solt gedencen frey/
Es wer ein neuwe Nummerrey.

Ein fürnemm Weib in der Moscow.

Also gehet in der Moscow
Gekleidet ein fürneme Frau.
Wann sie sich muß auß ihrem Haus
Begeben auff die Gäß hinauß/



Erwann zu einem Freudenfest/
Kein Pracht sie unterwegen leßt/
Von pelz ist fast ihr beste Tracht/
In der Moscow gar hoch geacht.

Ein Polnische Matron.

In polnische Frau von gutem Geschlecht
Auf diese weiß sich kleidet recht/
Wie es bräuchlich ist in Polen/
Daselbst darff man nicht erst holen



Von frembden Orten neuwe Tracht/
Die bey ihnen nicht her gebracht
Sondern tragen nach ihrem Brauch
Kleider mit pelz gefüttert rauch.

Ein Edelfräw in Lotharingen.

Also gehet ein Edelfräw
Geshmücket wie ein schöner pfaw
In Lotharingen/ außerm hauß/
Von Füßen an biß oben auß.



Wann du die Tracht gern wissen wilt/
Magstu besehen dises Bild/
Ihr Tugent/ Zucht vnd Erbarkeit
Ist lengest bekannt weit vnd breit.

Ein Jungfraw auß Burgund.

Also kleidet sich in Burgund
Ein Jungfraw heut zu diser Stund/
Wann sie wil auff ein Hochzeit gahn/
Oder selbs nemmen einen Mann.



Das Kleid ist von gutem Gewand/
Zugericht von kunstreicher Hand/
Darin sich spiegelt die Jungfraw/
Wie ein schöner vnd stolzer pfaw.

Ein Edelfräw in Frankreich.

Wiewol die Weiber in Frankreich
An Reichtumb nicht sind alle gleich/
Das sie vermöchten gleichen Schmuck
Die Armuth halt gar viel zurück/



So kleidet sich doch auff die Schaw
Eine junge reiche Edelfräw
Auff dise weiß/ wie fürgemahlt/
Ihr Mann den Kosten gern bezahlt.

Ein Edle Matron zu Leon.

Es sind die Weiber zu Leon
In Franchreich gezieret gar schon/
Mit Leibs Gestalt vnd erbarm Schmuck/
Wie dir fürbildet dieser Truck.



Ihre Tugend weiß ich nicht all/
Ein ander sie beschreiben soll.
Eins weiß ich/ daß sie freundlich sind
Anzusehen/ wie Venus Kind.

Ein Edelſraw von Pariß.

Wiewol in Franckreich vberal
Schön Weiber zu finden ohn zahl/
Doch behalter hierin den preiß
Die weitberühmte Statt pareiß.



Da findt man von gutem Adel
Viel frommer Weiber ohn Tadel/
Geschmücket vnd gezieret so
Wie difes Weib ſtehet alldo.

Ein Edle Jungfraw in Frankreich.

Alhie stehet auff vnser Schaw
Vom Adel ein schöne Jungfraw
Gerades Leibs vnd Glieder zart/
Geschmückt nach der Franzosen Art/



Ihr Tugend jederman bekannt/
Wird gepriesen in ganzem Land/
Sie wolt sich verheyraten gern
Mit eim Französischen Juncckhern.

Ein Sraw auß Engelland.

In Edelfraw in Engelland
Ist geschmücket nach ihrem Stand/
Wann sie also ist angethan/
Wie dise Sigur zeiget an.



Darinn hat sie ihr recht Gestalt/
Auch ihrem Mann gar wol gefalt/
Vnd wann sie ander Kleider trüg/
Ihr Mann sie zu dem Hauß außschlüg.!

Ein Engeliſche Frau von London.

Wann ein Weib gehet auß dem Hauß
Ihre Geſchafft zu richten auß/
Zu London vber die Strassen/
Schmücket ſie ſich allermassen/



Wie diſes Weib gemahlet iſt/
Dem an ſchöne gar nichts gebrist/
So iſt ſie ſonſt ſtattlich geziert/
Am Leib wol proportionirt.

Ein Weib auß Hispanien.

Also bekleidet sich mit fleiß
Ein Weib nach Hispanischer weiß/
Vom Haupt herab biß auff die Erd/
Es wer manchem ein groß Beschwerd/



Wann er solt tragen auff ein mal
So viel Gewand in nechsten Saal.
Sie haltets aber für ein Ehr/
Wann es noch einmal wer so schwer.

Ein Straw von Bononien.

Zu Bononien schmücket sich
Ein junge Straw gar sauberlich/
Mit gutem vnd reinem Gewand/
Nach ihrem Adelichen Stand/



So gut sie es erzeugen kan/
Darinn gefällt sie ihrem Mann/
Zu dem sie sich gar freundlich halt/
Biß sie beysammen werden alt.

Ein Jungfraw von Bononien.

Das ist ein Bononisch Jungfraw/
Gewachsen in des Himmels Taw.
Von Angesicht gar schön formiert/
Am Leib wol proporcionirt/



Kompt von Adelichem Samen/
Behalt ihren guten Namen/
Mit Kleidern zum besten staffiert
Mit Tucht vnd Erbarkeit geziert.

Ein Frau von Senis.

Als ich newlich gehn Senis kam/
Kein ding mich grösser wunder nam/
Dann daß die Senischen Weiber
Setten solche schöne Leiber/



Wer sie ansieht/ dem gefalt
Ihr ganz Adelige Gestalt/
Zu dem sind sie auch wol geschmückt/
Wie hie auff dem papir getrückt.

Ein Edelfraw von Vicenz.

In der Venediger Herrschafft
Liget die Statt Vicenz namhafft/
Da findet man Edel Frauwen/
Gar holdselig anzuschawen/



Vnd lassen sich freundlich mercken/
Beydes in Worten vnd Werken/
Gehen auch in zierlichem Schmuck/
Wie fürbilder dises Kunststuck.

Ein Weib von Placenz.

WAnn einer suchen wolt ein Weib/
Nach seinem Wundsch für seinen Leib/
So wer mein endlicher Sentenz/
Er solt hin reisen nach Placenz/



Auffs aller baldest vnd noch heut/
Da findet man gar schöne Leut/
Die sind aller massen geziert/
Wie dises Bild representirt.

Ein Edelfräw von Padua.

3V padua der welschen Statt/
Es auch gar schöne Weiber hat/
Der Adel ist gekleidet schier
Auff fürgeschriebene Manier.



Vnd bleibet gern bey diser Tracht/
Wann ein dieselbige veracht/
So wird man auch nicht wol mit ihr/
Zufrieden seyn/ das glaube mir.

Ein Edelfraw von Mantua.

Ein Weib zu Mantua geboren
Von gutem Adel außerkorn/
Vnd von ihrer zarten Tugend
Erzogen in aller Tugend/



Bekleider sich mit allem fleiß
Auff dise fürgemahlte weiß/
Dann es ist ja ein schönes pferd/
Auch wol eines schönen Zeugs werd.

Ein Edle Frau von Ferrar.

Es ist bekannt vnd offenbar/
Daß schön Weiber sind zu Ferrar/
Vnd sonderlich Edle Frauen/
Die lassen sich gar wol schauen/



Sie leuchten klar von Angesicht/
An Tugent ihnen nicht gebricht/
Ihr Tracht ist auch also gethan/
Wie dise Figur zeigt an.

Ein Fraw von Verona.

Wie sthestu vor Augen stohn/
Eines Burgers Weib von Veron/
Von Angesicht gar schön vnd zart/
Gekleidet nach deß Landes art/



Mit Rocken ist sie nicht vngleich
Andern Weibern im Königreich/
Allein ist außgespißt der Kopff/
Gleich wie ein alter Wiedehopff.

Ein Jungfraw von Florenz.

Die Jungfrawen sind zu Florenz/
Viel schöner nach meinem Sentenz/
Vnd soviel auch mir ist bekandt/
Dann sonst in ganzem Welschenland.



Auch wissen sie gar wol den pracht
Zu führen in der Kleider Tracht/
Ein ledig Jungfraw zieret sich/
Wie dise Figur lehret dich.

Ein Frau von Florenz.

Also bekleidet ihren Leib
Zu Florenz ein schön junges Weib/
Sie traget zwar ein bloße Brust/
Doch ihrem Mann allein zum Lust/



Ein ander soll seine Augen
Abwenden von frembden Frauen/
Ihrs eignen Manns iſts/ was drin ſteckt/
Es ſey gleich bloß oder bedeckt.

Ein Neapolische Jungfrau.

Es mag jederman beschawen/
Dise gemahlte Jungfrauen/
Dann wie sie ist abconterfeit/
Also geht auch in ihrem Kleid



Ein Tochter von Neapolis/
Die noch kein Heyrath weiß gewiß/
Doch wartet sie drauff alle Stund/
Dieweil sie frisch ist vnd gesund.

Ein ehrliche Matron von Neapolis.

Ich kan euch sagen für gewiß/
Schön Leuth sind zu Neapolis/
Von Gliedern vnd von Angesicht/
Auch ist alle Kleidung gericht



Der Weiber/ allein auff den pracht/
Vnd wird hierin wenig geacht
Des Kostens/ ein Weib also geht/
Wie dieses Bild für Augen steht.

Ein fürneme Sraw auß Italien.

Also sind in Italien
Geshmücket erbar Matronen/
Die von ein guten Geschlecht sind/
Wie man derselben gar viel find.



Wann sie auß ihren Häusern gehn/
Vnd etwan auff der Gassen stehn.
Sind sonst gar zart von Angesicht/
Wie ich von leuthen werd bericht.

Ein fürneme Sraw von Rom.

Also pfl eget ein Römisch Weib/
Zu zieren ihren schönen Leib/
Wann sie ist von gutem Geschlecht/
Nach der Statt Rom herbrachtem Recht/



Wenn sie villeicht gehn auß dem Hauß/
Wie dise Figur weiset auß/
Steht wol vnd ist ein erbar Tracht/
Wann man es nur nicht vbermacht.

Ein Junge Frau zu Rom.

Gleich wie ein hoffertiger pfaw/
Mit seinen Federn grün vnd Blaw/
Ein redlein macht/ vnd spiegelt sich:
Also geht auch ganz hoffertig



In der Statt Rom ein junge Frau
Vnter Leuthen/ als auff der Schaw/
Vnd streicher sich stattlich heraus/
Wie diese Figur weiset auß.

Ein Römische Jungfraw.

Das ist ein sonderliche Tracht/
Zu Rom von langem hergebracht/
Darinn sich schöne Jungfrawen/
Offentlich gern lassen schauwen.



Wann sie damit sind angethon/
Beduncken sie sich mächtig schon/
Es ist auch dises Ehrenkleid
Mit grossem Kosten zu bereit.

Ein vnzüchtig Weib zu Rom.

In Rom ist es heur nicht mehr new/
Daß Weibs personen ohne schew/
Vnzüchtig vnd schändlich leben/
Ihren Leib zu schänden geben/



Umb vergengliches Gelts willen/
Vnd ihre Geilheit zu stillen/
Wann sie tags auff der Gassen gahn/
So sieht man sie für fromb Leuth an.

Die Herzogin von Venedig.

Bleibe fleißig dieses Bild/
Wann du vielleicht gern wissen wilt/
Wie köstlich vber den Leib hin
Geschmücket sey ein Herzogin



Zu Venedig in Welschem Land/
Das wenig Leuthen ist bekandt/
Man findt in Teutscher Nation
Kein so wol geziert Weibs person.

Ein Geschlechterin von Venedig.

Also bekleidet ihren Leib
Ein junges Venedisches Weib/
Wann sie ist von gutem Geschlecht/
Ihren Kopff treget sie auffrecht/



Vnd schmücket sich ein Edle Frau
Gleich wie ein gespigelter pfaw.
Als dise Figur zeigt an/
Die du sthest für augen stahn.

Ein Venedische Braut von Geschlechtern.

Wann zu Venedig eine Braut
Versprochen hat ein Mann ihr Haut/
Vnd soll halten ihren Kirchgang/
Darauff sie nun gewartet lang/



So schmücket sie sich hübsch vnd fein/
Wie außweiset der Augenschein/
Ich glaub nicht daß man schöner Leut
Finden mög/ als Venedisch Bräut.

Ein Venedische Jungfraw von Geschlechtern.

Venedig die berühmte Statt
Gar viel schöner Jungfrawen hat/
Gezieret auff das aller best/
Kein pracht man vnter wegen lest/



Sonderlich wanns vom Adel sind/
So leuchten sie wie Venus Kind/
Wann sie auff gemeinen Gassen
Sich erwan anschawen lassen.

Ein Geschlechterin zu Venedig im Sommerkleid.

Im Sommer wann die Sonn warm scheint/
Und Venedische Weiber seind/
Von den Vralten Geschlechtern/
Die auß ihrem Hauß giengen gern/



Vor effens sich zu erquickten
Damit sie nun nicht ersticken/
So legen sie sich lüfftig an/
Wie dise Figur ist gethan.

Ein Venedische Matron.

Wenn sich ein fürneme Matron
zu Venedig thut auff den plan/
So sieht man sie auff dise weiß
Gezieret seyn mit allem fleiß/



Mit dem allerbesten Gewand/
So man kan haben in dem Land/
Das muß auch zierlich seyn bereit/
An zu zeigen ihr Herrlichkeit.

Ein Bürgerin zu Venedig.

30 Venedig eins Burgers Weib
Also bekleidet ihren Leib/
Wie diese Figur zeigt an/
Die du vor dir hie siehest stahn/



Das Angesicht bedeckt sie rein/
Die Brust muß fast fornher bloß seyn.
Sonst sind ihre Kleider gemacht/
Nach der Aphricanischen Tracht.

Ein Edel Jungfraw in Meyland.

Der Jungfrawen Sucht in Meyland
Ist allenthalben wol bekandt.
Deßgleichen ihr schöne Gestalt/
Fast jedermeniglich gefalt/



Von Angesicht sind sie fast zart/
Vnd durchhauß holdseliger Art.
Die Kleidung stehet ihn wol an/
Wann sie nach Landsbrauch angethan.

Ein Edelfraw zu Meyland.

Wann ein junge Fraw vom Adel
In Meyland lebet ohn tadel/
Wann sie gehet auß ihrem Haus
Ihre Geschafft zu richten auß/



So darff sie sich schmücken also/
Wie dise Figur stehet do/
Sonst ist ihr Zucht vnd Erbarkeit
Gar wol berühmet weit vnd breit.

Camilla desß Türkischen Sultans Tochter.

Camilla von Türkischem Stamm
Von Art hoffertig vnd grausam/
Von Leib einer guten Gestalt/
Vnd sonst gezieret manigfalt/



Gefleidet auch gar hübsch vnd fein/
In Golt/ perlen/ Edelgestein/
An Schmuck vnd pracht ihr gar nichts felt/
Wie fürbildet dieses Gemeld.

Ein onzüchtige Türckin.

Das ist ein onzüchtiges Weib/
Welche ihren vnkeuschen Leib
Verkauftet vmb schändliches Gelt
Einem Buler der ihr gefelt/



Von demselbigen Sündenlohn
Aleidet sie sich denn hübsch vnd schon/
Daß sie mit ihrem falschen Schmuck
Die Türcken desto eh beruck.

Ein Frau auß Peruua

Es ligt gar weit in India
Ein Insul heist peruua/
Darinn die Weiber dise Tracht
Halten für ein besondern pracht/



Meynen sie seyen wol formirt/
Wann sie auff dise weiß geziert/
Wiewol sie nun ein ander Art/
Gelehrnet von frembder Schiffart.

S. Catharinen Orden.

Sanct Catharina die Jungfraw
Ein vorbild der Keuschheit beschaw/
Sie wolt lieber ohn Eh leben/
Dann sich in Ehstand begeben/



Nicht daß sie den Ehlichen Stand
Gehalten hett für eine Schand/
Sondern daß sie lediger weiß
Gott dienen möchte mit ihrem fleiß.

S. Catharinen Leyen Orden.

SANCT Catharina die Jungfraw
Spiegelte sich nicht wie ein pfaw/
Mit stolzer Kleidung für der Welt/
Fraget auch nicht nach Gut vnd Gelt/



Sie dienet aber Gott dem HERREN/
Hört vnd bekennet sein Wort gern/
Litt vmb seinet Willen den Tod/
Vnd befohl sich ihm in der Noth.

S. Brigitten Orden.

Sanct Brigitta die Jungfraw zart/
Hat ihre Keuscheit wol verwart/
Lediger weiß/ vnd im Ehstand/
Wie auß der Legent ist bekandt/



In ihrem Witwen Stand deß gleich/
Sie sich gehalten Tugentreich.
In ihrem Orden leben viel/
Die nicht erreichen dieses ziel.

Weisse Nonnen schwarz geweiht.

Es ist auch erfunden worden/
Vor Taren ein ander Orden/
Vnter dem Weiblichem Geschlecht/
Daß man darinn solt leben recht/



Ihr Kleider trugen sie mit fleiß
Von Gewand/ das war durchauß weiß/
Allein ein Weiler war erlaubt
Von schwarz zu tragen auff dem Haupt.

Ein Beginn.

In ander Weiber Orden war/
Die hatten sich begeben zwar
Ein zeitlang ins Kloster Leben
Nach grosser Frombkeit zu streben/



Wann sie nun die Gottseligkeit
Erlehnnet im Beginnen Kleid/
Dann war es ihnen keine Schand/
Sich zu begeben in Ehstand.

S. Clara Orden.

30 Assis in der alten Statt
Die fromb Jungfraw gewohnet hat
Geboren von gutem Adel/
Vnd gelebet ohne Tadel/



Hat viel edele Jungfrauen
Im Christenthumm wol erbauwen/
Die sich ihrs Ordens rühmen nun/
Ein solchen Habitum anthun.

Der Rheumerin Orden.

Also giengen vor zeiten her
Die Weiber so man nennt Rheumer/
Das Angesicht verhülten sie
Mit einem Tuch biß auff die Knie/



Ihr Tracht war von weißem Gewand/
Der Wandel jederman bekannt/
Niemand schier jetzt bereuwen wil
Sein Sünd/ ob man wol sündigt viel.

Ein Stifftfraw.

Wann vor zeiten ward eingeführt
Ein keusche fraw/ wie sichs gebürt/
Auff einen Stifft zum Gottesdienst/
Daß sie darinn nicht wer die minst!



So kleidet sich das frawlein zart/
Nach deß weltlichen Stifftes art/
Vngesefhrlich solcher gestalt/
Wie fûrgemaltes Bild inhalt.

Orden der Kranken Warterin.

In ander Orden ward gestift/
So allein die Weiber antrifft/
Die waren all schwarz angethan/
Von unten auff biß oben an/



Sie warteten der Kranken leuth/
Darvon gar oft ein gute Beut
Bestecken blieb ihrem Orden/
Von dem sie dar geschickt worden.

Uebersicht der Contrafacturen im Srawenzimmer.

1. Die Keyserin.
2. Ein Königin.
3. Königin in Franchreich.
4. Ein Königin in Hispanien.
5. Ein Fürstin in Hispanien.
6. Ein Teutsche Fürstin.
7. Ein Teutsche Fürstin.
8. Ein Teutsche Gräffin.
9. Ein Jungfraw auß der Sagger Geschlecht.
10. Ein Edelfraw in Hessen.
11. Ein pfälzische Edelfraw.
12. Eins Burgers Weib zu Heidelberg.
13. Ein Speierische Fraw.
14. Ein Sächssische Edelfraw.
15. Ein Sächssisch edle Jungfraw.
16. Ein Meichsnische Edle Matron.
17. Ein Meichsnische Edelfraw in der Alag.
18. Ein Meisnische Edel Jungfraw.
19. Ein Leipzische Matron.
20. Ein Leipzische Jungfraw.
21. Ein Jungfraw auß Thüringen.
22. Ein Schlessische Braut.
23. Ein Fraw auß Schlessien.
24. Ein Fraw in Oestereich.
25. Ein Schwäbische Jungfraw.

Uebersicht der Contrafacturen im Srawenzimmer.

26. Ein Schwäbin von Hall.
27. Ein Augspurger Jungfraw.
28. Ein Geschlechterin zu Augspurg.
29. Eins gemeinen Burgers Sraw zu Augspurg.
30. Ein andechtige Sraw zu Augspurg.
31. Ein Augspurger Magd.
32. Ein Straßburger Sraw.
33. Ein Sraw von Basel.
34. Ein Jungfraw von Zürich.
35. Ein Geschlechterin zu Franckfort am Mayn.
Wiederholung von Nr. 28.
36. Eins Juncfers Tochter zu Franckfurt.
37. Ein Braut zu Franckfurt von den Geschlechterin.
38. Eines gemeinen Burgers Weib zu Franckfurt.
39. Ein Burgers Weib zu Franckfurt.
40. Ein Braut zu Franckfurt.
41. Ein Franckfurter Magd.
42. Ein Franckfurter Magd/ so in die Kirchen gehet.
43. Ein Fränckische Sraw vom Adel.
44. Ein Fränckische Edle Jungfraw.
45. Eins Fränckischen gemeinen Burgers Weib.
46. Ein Fränckisch Sraw von Würzburg
47. Ein Geschlechterin von Nürnberg.
48. Ein Geschlechterin von Nürnberg.
49. Ein Braut von den Geschlechtern zu Nürnberg.
50. Ein Jungfraw vom Geschlecht zu Nürnberg.
51. Eins gemeinen Burgers Tochter zu Nürnberg.
52. Ein Nürnberger Magd.
53. Ein Sraw von Cöllen.
54. Ein Braut zu Cöllen.
55. Ein Magd von Cöllen.

Uebersicht der Contrafacturen im Frauentzimmer.

56. Ein Frau von Ach.
57. Ein Jungfrau auß Flandern.
58. Ein Weib auß Flandern.
59. Ein Holländerin.
60. Ein Brabändische Niderländerin.
61. Ein Niderländerin vom Adel.
62. Ein Niderländische Magd.
63. Ein Frau von Lübeck.
64. Ein Edelfrau auß Schweden.
65. Ein Böhemin von prag.
66. Ein alte Böhmishe Frau.
67. Ein Edelfrau in Hungern.
68. Ein Braut zu Danzig.
69. Ein Magd zu Danzig.
70. Ein Frau auß Liffland.
71. Ein fürneme Liefpländische Frau.
72. Ein Liffpländische Edelfrau.
73. Ein fürnemm Weib in der Moscau.
74. Ein polnische Matron.
75. Ein Edelfrau in Lorharingen.
76. Ein Jungfrau auß Burgund.
77. Ein Edelfrau in Franckreich.
78. Ein Edle Matron zu Leon.
79. Ein Edelfrau von Paris.
80. Ein Edle Jungfrau in Franckreich.
81. Ein Frau auß Engelland.
82. Ein Engelfche Frau von Londen.
83. Ein Weib auß Hispanien.
84. Ein Frau von Bononien.
85. Ein Jungfrau von Bononien.
86. Ein Frau von Senis.

Uebersicht der Contrafacturen im Srawenzimmer.

87. Ein Edelstrow von Vicenz.
88. Ein Weib von placenz.
91. Ein Edle Strow von Ferrar.
Wiederholung von Nr. 78.
89. Ein Edelstrow von padua.
90. Ein Edelstrow von Mantua.
92. Ein Strow von Verona.
93. Ein Jungstrow von Florenz.
94. Ein Strow von Florenz.
95. Ein Neapolische Jungstrow.
96. Ein ehrliche Matron von Neapolis.
97. Ein fürneme Strow auß Italien.
98. Ein fürneme Strow von Rom.
Wiederholung von Nr. 85.
99. Ein Junge Strow zu Rom.
100. Ein Römische Jungstrow.
101. Ein vnzüchtig Weib zu Rom.
102. Die Hertzogin von Venedig.
103. Ein Geschlechterin von Venedig.
104. Ein Venedische Braut von Geschlechtern.
Wiederholung von Nr. 9.
105. Ein Venedische Jungstrow von Geschlechtern.
106. Ein Geschlechterin zu Venedig im Sommerkleid.
107. Ein Venedische Matron.
108. Ein Bürgerin zu Venedig.
109. Ein Edel Jungstrow in Meyland.
110. Ein Edelstrow zu Meyland.
111. Camilla des Türckischen Sultans Tochter.
Wiederholung von Nr. 88.
112. Ein onzüchtige Türckin.
113. Ein Strow auß peruua.

Uebersicht der Contrafacturen im Srawenzimmer.

- 114. S. Catharinen Orden.
- 115. S. Catharinen Leyen Orden.
- 116. S. Brigitten Orden.
- 117. Weiße Nonnen schwarz geweiht.
- 118. Ein Beginn.
- 119. S. Clara Orden.
- 120. Der Rheuerin Orden.
- 121. Ein Stifftfraw.
Wiederholung von Nr. 63.
- 122. Orden der Krancken Warterin.





